

# Clár

Cad a Chloiseann Tú? . . . .3

Cad is Fuaim Ann? . . . . .4

Glórach agus Bog . . . . .8

Ard agus Íseal . . . . .12

Fuaimeanna Thart Ort . . .16




# Cad a Chloiseann Tú?

Tá an domhan lán d'fhuaimeanna. Ceann amháin de na príomhbhealaí ina bhfaighimid tuiscint ar an domhan ná éisteacht leis na fuaimeanna atá ann. Nuair a chloiseann tú clog aláirim, tá a fhios agat go bhfuil sé in am éirí. Nuair a chloiseann tú clog ag bualadh, tá a fhios agat go bhfuil sé in am do ranganna. Suigh go ciúin agus éist. Cad a chloiseann tú?



◀ An gcloiseann tú madra ag tafann?



◀ An gcloiseann tú trácht?



▲ An gcloiseann tú duine éigin ag caint?

# Cad is Fuaim Ann?

Is cineál fuinnimh é fuaim. Déanann rud fuaim nuair a chreathann sé, is é sin nuair a bhogann sé anonn agus anall go han-ghasta. Nuair atá an rud ag bogadh cuireann sé an t-aer thart air ar crith chomh maith. Gluaiseann na tonnchreathanna seo tríd an aer mar thonnta fuaime. Nuair a shroicheann na tonnchreathanna ár gcluasa, cloisimid an fhuaim.

Nuair a sheinneann ►  
duine ar ghléas ceoil,  
gluaiseann an ceol tríd  
an aer.



◀ Bogann tonnta  
fuaime tríd an aer  
cosúil le **cuilithíní** ar  
lochán. Spréann na  
tonnta amach ón  
bhfoinse

Gluaiseann **fuaimthonnta** tríd an aer. Is féidir leo bogadh trí **sholaid** agus **leachtanna** chomh maith. Iompraíonn gach ábhar fuaim ar bhealach éagsúil. Is seoltóir maith fuaim é ábhar a iompraíonn fuaim go maith.



▲ Is seoltóir maith fuaim é uisce. Is féidir le míolta móra teagmháil a dhéanamh le chéile thar achair fhada.



◀ Seolann solaid fuaim chomh maith. Nuair a labhraíonn tú ar theileafón sreangáin, gluaiseann tonnchreathanna fuaim tríd an sreangán go dtí an cupán eile.